



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 27. Raimundi Vich, & Sigismundi Gonzagæ Cardinalium obitus.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI. re Melanchtoni perfacile fuisse vi-  
 A.C. 1525. detur; quippe Lutherus perfrictæ fron-  
 tis homo, cum præ pudore in extremis  
 mundi angulis se abscondere debuisset,  
 Ep. Erasmi. lib. 18. ep. 13. flagitium suum non modo tueri præsu-  
 l. 19. ep. 41. mebat, sed ceteros quoque Sacerdotes  
 ac Monachos ad sui ipsius imitationem  
 adhortabatur. Ast Ejusmodi connubia  
 calamō suo exagitans Erasmus, qui æ-  
 quior, quam novi hi Reformatores, pu-  
 rioris Evangelii æstimator fuit, in qua-  
 dam sua epistola hæc scripsit. „ O præ-  
 „ claros Ecclesiæ Reformatores! vo-  
 „ cant se Apostolos, & tamen solemnem  
 „ cælibatus possessionem abjiciunt, ut  
 „ uxoribus jungantur, cum tamen veri  
 „ Apostoli Domini nostri Jesu Christi  
 „ juxta omnium Sanctorum Patrum  
 „ traditionem relictis uxoribus Cæli-  
 „ batum amplexati fuerint, ut unice in  
 „ Deo atque Evangelio occupati esse  
 „ valerent. „

## §. XXVII.

*Raimundi Vich, & Sigismundi Gon-  
 zagæ Cardinalium obitus.*

Hoc anno die vigesima quinta Julii  
 Raimundus Vich Cardinalis Veru-  
 lis in monasterio Ordinis Cisterciensis  
 extremum diem clausit, ejusque Corpus  
 Romam delatum in Ecclesia Sanctæ  
 Crucis in Hierusalem conditum est.

Is



Is erat Valentiaë in Hispania natus, & Sæc. XVI.  
A.C. 1526.  
postquam in Curia Romana longo ad-  
modum tempore Protonotarii Aposto-  
lici munere functus erat, tandem Ce-  
phaledensis Episcopatus in Sicilia Ad-  
ministratores est constitutus, cujus tamen  
Ecclesiæ regimen consentientibus Pa-  
pa, & Ferdinando Arragonum Rege  
abdicaavit Anno Christi millesimo  
quingentesimo vigesimo quinto, sed pau-  
lo post Barcinonensi Episcopatu dona-  
tus est, Anno autem Domini millesimo  
quingentesimo decimo septimo eundem  
Leo X. Presbyteris Cardinalibus titulo  
S. Marcelli adscripsit.

Itidem hoc anno Mense Octobri Si-  
gismundus Gonzaga Mantuæ vivis ere-  
ptus est, quem Julius II. anno salutis  
millesimo quingentesimo quinto Cardi-  
nalem nominavit. Is primo quidem  
sæculari militiæ nomen dederat, sibi-  
que maximam nominis sui laudem concilia-  
verat, cum vero Clericalem militiam  
profiteretur, meritorum suorum ampli-  
tudine haud minorem sibi famam com-  
paravit.

Anno sequenti millesimo quin-  
gentesimo vigesimo sexto Oecolam-  
padius Lutheri exemplum secutus, iti-  
dem sacrilegis nuptiis se polluit, ac ju-  
venis cujusdam adolescentis forma fa-  
scinatus eandem sibi thori sociam sele-



